



Knud Kristiansen aamma Siverth K. Heilmann
Inatsisartuni ilaasortat, Atassut
/ Maani

Biilit innaallagiamootut pillugit § 37 naapertorlugu apeqquteqaammut nr. 2012-244-imut akissuteqaat

07-11-2012
Sags nr. 2012-075655
Dok. nr.1060503

Asasakka Knud Kristiansen aamma Siverth K. Heilmann

Apeqqutissinnut qujanaq.

Taakku ataasiakkaarlugit akissuteqarfigissavakka.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

1. Naalakkersuisut imatut isiginerlugu taakku biilit innaallagissamootut tuniniarneqartuusullu nunatsinnut naleqquttuunersut?

Nukissiorfiit 2010-mi aamma 2011-mi Nuummi biilit innaallagiamootut assigiinngitsut marluk angusaqarfiulluarmik misilerarpai. Suliniut EI-Mobility, aammattaaq islandimiunit savalimmiormiunillu suleqataaffigineqartoq aqutugalugu ingerlanneqarpoq. EI-Mobility-p suliamut nalunaarusiaa Nukissiorfiit nittartagaani pissarsiarineqarsinnaavoq¹.

Tamatuma saniatigut ISS Grønland-ip ukiaq manna biilit innaallagiamootut nutaanerusut misilerarlugit ingerlatikkaat atukkiuttaraallu ilisimavarput. Grønlandsbanken biilinit innaallagiamootunut aammalu biilinit nukissiornermi klasse A-nut taarsigassarsititsisarnernik akikinnerusunik atuutsitsileqqammerpoq.

Kiisalu Naalakkersuisut CSR Greenlandip biilit innaallagiamootut pillugit suliai soqutugalugit paasisaqarfigeqqammerpai. Kiisalu CSR Greenland 9. november 2012-imi biilinit innaallagissamootunik saqqummersitsiniarpoq. Suliniutit taakku tamarmik inuussutissarsiornermik ingerlataqartut ulluinnarni ingerlatsinermi biilinit innaallagiamootunik isumalluarnartoqartitsinerannut takutitsipput.

2. Naalakkersuisut imaluunniit Nukissiorfiit isumaliutigisimanerlugu innaallagissamut immiivissamik / "qalaassivissanik" akiliisarfiusunik pilersitsisoqarinnisaanik?

Sammissaq nalinginnaasumik isumaliutersuuteqarfigineqarpoq, kisiannili maannamut naliliineq malillugu amerlanerusut biilinit innaallagiamootunik suliffimmini angerlarsimaffimminiluunniit immiisartussaananerit ilimanarneruvoq. Ilaatigut biilinit

¹ http://www.nukissiorfiit.gl/uploads/tx_tcnews/EI_mobility_report_01.pdf

innaallagi moortunik pisisartut amerlanersaasa aallaqqaammut suliffeqarfiunissaat naatsorsuutigineqarmat, ilaatigullu aqquusernit killeqangaatsiarmata eqimattaallutillu.

3. Naalakkersuisut suut periarfissatut isigivaat massakut biilit ingerlasuusut pingortitamut nunatsinni mingutsitsinerulinnginnissaanut aqutissiinissamut?

Naalakkersuisut isumaqarput, qamutinit motorilinnit mingutsitsinerup annikillisarneqarnerani biiliutit nalinginnaasumik nutarterneqarnissaat naapertuunnerussasoq, biilit nutaanerusut ataatsimut isigalugit biilinit pisoqaanerusunit nukissiornermik atuinnginnerusarmata.

Akitsuuseeriatsitta il.il. atuisut biilnik ikummatissamik atuinnginnerusunik, CO₂-mik annikinnerusumik aniatitsisunik pisinissaannut kajumissaareqataanissaat pingaaruteqarpoq. Tamanna ilaatigut biilit innaallagi moortut eqqunneqarnerannut motorinullu akitsuuserneqartanninnerisigut; ilaatigullu motorinut akitsuutip biilit minnerusut biilinit annerusunit appasinnerusumik akitsuuserneqarnerisigut pissaaq.

4. Ilumoorpa biilit tamarmik – imaluunniit tamaasavimmik biilit kalaallit nunatsinni ingerlasut atortorissarusorneqarsimasut katalysator-inik, atuuffeqartuusut annikillisisumik ulorianaatilinnik mingutsitsinerunissaraluamut?

Katalysatorit atorneqarnissaat Kalaallit Nunaanni inatsisitigut piumasarineqanngilaq. Kisiannili Danmarkimi inatsisitigut piumasaqaataavoq, aammalu ukiut 20-t missaanni taamaassimalluni, biilillu Kalaallit Nunaanniittut amerlanersaat Danmark aqutugalugu eqqunneqartaramik, taakku katalysatoreqarsimassapput.

Taamaattumik Kalaallit Nunaanni biilit amerlanersaasa katalysatoreqarsimanissaat ilimagineqartariaqarpoq, kisiannili taakkununga kisitsisitigut paasissutissanik peqartoqanngilaq.

5. Ilumoorpa biilit pisoqaanerit nalinginnaasumik annertunerusumik mingutsitsisartut biilit nutaanerusunut sanilliullugu?

Ataatsimut isigalugu biilit nutaanerusut pitsaanerusunik motooreqarput, biilinullu pisoqaanerusunut naleqqiullutik aniatitaat annikinnerullutik. Ullumikkut biilnut piumasaqaatit annertunerunerat tamatumunnga pissutaavoq. Ukiuni kingullerni uuliamut akit qaffakkiartornerat, aamma atuisut biilnik ikummatissamik atuinnginnerusunik piumasaqalernerinut iluaqutaasimavoq, taamaattumillu biilit taamaattut amerlanerusut niuerfimmi pissarsiassaalersimapput.

6. Matumani attuumassuteqarpa maannamut taakku biilit innaallagissamoortut akitsuusersimannginneqarnerat – piviusorsioortua taamatut akitsuuseeqqannginneq mingutsitsinerunissaraluamut sunniuteqartoq nunatsinni?

Maannamut Kalaallit Nunaanni biilit innaallagiamoortut atorneqalertarnerat annikippoq. Biilit innaallagiamoortut tallimat ataavartumik Nuummiitineqarput, aammalu biilit innaallagiamoortut marluk allat ulluni makkunani misilerarneqarput. Naalackersuisut isumaqarput, biilini innaallagiamoortunik eqqussinermut motoorinullu akitsuusiisarneq peerneqanngippat, Kalaallit Nunaanni biilit innaallagiamoortut atulersinnaanngikkivut.

Illoqarfinni erngup nukinganik innaallagissiorfiusuni biilit innaallagiamoortut CO₂-mik aniatitsisuunngillat najukkaniluunniit allatut mingutsitsisuunatik. Benziina imaluunniit dieseli siparneqartoq ataaseq 'akunnaallisarlugu' silaannarmi CO₂-p 2,5 kg-mik annikinnerulerneranik kinguneqartarpoq.

7. Naalackersuisut imatut nalilerpaat taamatut biilini nutaanik akitsuutikillisisinermut pineqarlutik biilit assersuutigalugu liter-imut km. 20-it sinnerlugit illoqarfimmi ingerlaarsinnaasut – taakkunatigut co₂-mik ulorianaatilinnillu akuutissanik aniatitsinermut annikillisaanissamut sunniuteqarnerusinnaasut, sanilliullugu biilit innaallagissamoortunik akitsusiiffeqannginnissamut?

Taamatut naliliinermut tunngavissat amerlasuut apeqqutaasussaapput, taakkunungalu akitsuummumut appaatissap annertussusissaa, aammalu akitsuummumut appaatissap qanoq annertutigisup atuisut biilini ikummatissamik atuinnginnerusunik pisinissaannut sunniuteqarsinnaanera apeqqutaassapput. Tamatumunnga aamma ikummatissanut akit qanoq ineriartornissaat, kiisalu biilini innaallagiamoortunik niuerfimmi teknikkikkut akitigullu ineriartortitsinissaq apeqqutaasussaapput.

Taamaattumik apeqqut taanna § 37 naapertorlugu apeqqutinut sinaakkutissat iluanni akineqarsinnaanngilaq. Kiisalu matuma siuliani apeqqut 3-mut akissut innersuussutigineqarpoq.

8. Naalackersuisut sunik allanik periarfissanik co₂-mik annikillisaanissamut taamatullu ulorianaatilinnik akuutissalinnik saqqummiussassaateqarpat nunatsinni?

Matuma siuliani apeqqut 3-mut aamma apeqqut 6-imut akissutit innersuussutigineqarput.

Inussiarnersumik inuulluaqqusillunga

Jens B. Frederiksen